

zum Grabe bringen helffen / wie es denn
die Erfahrung hin vnd wider bezeuget / da
sie doch sollten auff den morbum selben
vnd seine Ursachen / auch den Eventum
gesehen haben / denn in cap. de causis ha-
ben wir berichtet / daß so mancherley Ur-
sachen seyn / vnd ein jedere Ursache eine
sondere Cur bedörffte / so ist auch zu erbar-
men / daß sie so geschwinde vnd in dem An-
fange / da doch das Vlcus im geringsten
nicht abstergirt, mit stopffenden Arzneys-
en getrodt kommen / daher die eusserste Ge-
fahr nothwendig erfolgen muß / wie Gal-
lib. de sect. venæ contra Erasist. saget /
daß auß solchen vnreiffen Verstopffungen
folgen Wassersucht / Taubsucht / Vnsin-
nigkeit / Melancholey / Schlag / die schwere
Noth / Nieren vñ Blasenstein / Schwind-
sucht / grewliche apostemata vnd giftige
Geschwür / Pleureses oder Seitenstechē /
wie ich dessen ein wunderbares vnd schreck-
liches Exempel zu Florenz habe gesehen /
an einer bella madonna An. 1612. den 16.
Julij newes Calenders / Als ich mich nun
bey 14. Tagen zu Florenz auffgehalten /
begibt es sich / daß der granduc Ferdinan-

C

cus